

rem, possessor utramque possessionem amittit: textus est in leg. Peregrè. §. Quibus explicitis. ff. de Acquirend. posses. in versicul. Eius verò, cujus verba sunt: Ejas verò, quod servi vel coloni etiam corpore possidentur, non aliter amitti possessionem, quam si eam alius ingressus fuisset, & ibi Glossa ordinaria Bartol. Angel. & DD. text. in leg. 3. §. Quod si servus. Text. in leg. Si de eo. §. Si fortè in fin. eodem titul. & ibi DD. Glossa & communiter DD. in leg. 1. Cod. Commun. de usucap. & idem, si talis detentator expellatur vel dejiciatur per vim ab ipsa re; quia tunc dominus & possessor utramque possessionem amittit: textus est in leg. 3. §. Quod si servus. ff. de Acquirend. posses. textus in leg. Peregrè §. Quibus explicitis. ff. eodem titul. textus in leg. 1. §. Quod servus. ff. de Vi & vi arm. ibi: Et ideo his dejectis ipse dejecti de possessione videtur, etiamsi ignoret eos dejectos quos possidebat. textus in leg. fin. eod. titul. Quid autem hodiè reperiatur correctum in his casibus? vide textus in leg. final. Cod. de Acquir. posses. & ibi Glossam magistralem, Bartol. Cin. Butr. Bald. Angel. Paul. Salyc. & communiter DD. Paul. & DD. in dicta leg. Si colonus. ff. eodem titul. Imol. & DD. in dict. leg. Peregrè. §. Quibus explicitis, infra eodem & leg. 13. titul. 30. part. 3.

Item adde juxta prædicta, quod si ipse Dominus & sic possessor expellatur, & non ille detentator qui rem tenet nomine ejus, non amittit aliquam possessionem: quia non amittit naturalem quam tenet per alium, cum detentator non sit expulsus; nec amittit civilem quam tenet per se, quia censetur esse accessoria & consecutiva illius naturalis & in illa naturali habet fundamentum suum: textus est in leg. 1. §. Non alii autem. versicul. 1. de Vi & vi armat. cujus verba sunt: Si quis me vi dejerit, meos autem non dejerit, non posse me interdito hoc experiri: quia per eos retineo possessionem, qui vi dejecti non sunt, & ad hoc illum textum notat ibi Gloss. ordinaria Bart. Angel. & communiter DD. secus tamen est; quando dominus velit sua voluntate & contractu in alium transferre possessionem; quia potest, tam per actum verum, quam fictum, putà per clausulam constituti, vel alio modo, etiamsi talis detentator semper sit in re, nec eam tradat: ista est Glossa singularis & unica in jure in dict. leg. 1. §. Non alii autem in verb. Retineo. vers. Sed licet. ff. de Vi armat. quam Gloss. ad hoc notat & dicit se nescire, alibi Bart. ibi: notat etiam & commendat Ang. & alii DD. ibi: & illam Gloss. ad hoc dicit valde singularem Bartol. in leg. Quod meo. ff. de Acquir. posses. in princ. 2. column. Paul. 2. col. post princ. & dicit unicam Imol. in leg. Peregrè. §. Quibus penult. column. post princ. eodem titul.

ubi pro ea adducit bonum textum & rationem ejus in leg. Qui universas. §. final. eodem titul. & dicit eam singularem ibi Paul. 2. column. in princip. illam etiam Glossam ad hoc dicit singularem Bald. in leg. Cum testamentum. Cod. de Juris & fact. ignor. 2. column. num. 2. idem Bald. in cap. cum venisset, de restit. spol. 2. column. num. 4. Card. in cap. Olim, el 1. eodem titul. penultim. column. Illam etiam dicit unicam Bald. & Angel. in leg. fin. Cod. de Acquirend. possessione. in finalib. verb. Aretin. & Alexand. in leg. 3. §. In amittenda. ff. eodem titul. 2. column. Vincent. ibi: 2. column. num. 5. & final. column. num. 12. Sexta conclusio: Quando quis habet utramque possessionem, vel aliquam earum, indistinctè potest eam amittere solo animo & voluntate, etiamsi actualiter insistat in re: textus est in leg. 3. §. In amittenda. ff. de Acquirend. posses. cujus verba sunt: In amittenda quoque possessione affectio ejus qui possidet intuenda est, itaque si in fundo sis & tamen nolueris eam possidere, protinus amittes possessionem: & ibi notat Glos. Bartol. Angel. Paul. Imol. & communiter DD. Quod intellige, quando verè intervenit animus amittendi possessionem: secus quando non adest animus perdendi, sed nec possidendi; quia tunc non amittitur: Unde, furiosus, licet careat animo possidendi, non amittit, quia non habet animum perdendi: textus est in leg. Si is qui animo, eodem titul. & ibi notant DD. Confirmatur per textum in leg. Patre furioso, vers. Nam furiosus. ff. de His que sunt sui vel alien. jur. ubi licet furiosus non possit contrahere matrimonium, quia requirit consensum; tamen bene retinet matrimonium jam contractum: textus in leg. Furor. ff. de Sponsat. text. in leg. Oratione. §. final. ff. de Ritu nuptiar. Item etiam, licet contractus qui consensu celebratur, non possit fieri à furioso; tamen gestus ante furorem bene valet & conservatur post furorem: text. est, juncta Glossa & communi opinione, in leg. 2. Cod. de Contrah. empt. textus in leg. Cum aliis. Cod. de Curat. fur. Item etiam testamentum, si sit perfectum & consummatum ante furorem, valet & conservatur etiam post furorem: text. in leg. Furiosum. Cod. Qui testam. fac. pos. & ibi communis opinio. Item etiam furor superveniens non tollit jurisdictionem, licet impediatur exercitium: textus est in leg. Judex datus. ff. de Judic. & ibi communiter DD. Item etiam furor superveniens non revocat ea quæ sunt perfecta vigore mandati: textus est in leg. Si quis alicui. ff. de Acquirend. hered. & ibi Bartol. & communiter DD. Secundo ex illa regula & conclusione inferitur, quod dormiens nullam amittit possessionem, quia licet non habeat animum possidendi, non habet animum perdendi; & aper-

apertè probatur ex dict. leg. Si is qui animo. Tertio inferitur, quod si ex diuturnitate temporis vel multitudine negotiorum inducatur oblivio, taliter quod possessor sciat se possidere, sed ignoret locum certum, rem, vel partem, quam possidet; tamen per hoc nullam amittit possessionem: Et in expressò istam sententiam, & conclusionem probat textus notabilis in leg. Peregrè, in princ. ff. de Acquir. poss. ibi: Nec infirmitatem memorie damnum afferre possessioni, & facit apertè text. in dict. l. Si is qui animo, & istam doctrinam & conclusionem tenet formaliter Aretin. licet non alleget prædicta jura, in leg. 3. §. Incertam eod. titul. 2. col. in medio, istam etiam doctrinam & conclusionem voluit Bart. in dict. l. Si is qui animo, in fin. eodem titul. idem Bart. in leg. Si aliquis rem 2. column. num. 2. eod. titul. Et ex hoc datur maxima differentia inter dominium & possessionem; quia licet possessio amittatur solo animo, tamen dominium non potest amitti solo animo; & voluntate domini: text. est in l. Si quis vi. §. Si differentia, eodem titul. nisi decesserit à re, & eam velit habere pro derelicta, ut in leg. 1. & 2. ff. Pro derelict. text. in §. Hoc amplius, vers. Pro derelicto Instit. de rerum divis. text. in leg. fin. tit. 28. part. 3. Similiter etiam datur alia subtilis differentia; quia dominium, vel jus, quod in alium volo transferre etiam mediante titulo & traditione, non amitto, si ei non possit quæri, licet ei realiter tradam: textus est notabilis & subtilis in leg. Nec utilem. ff. Ex quibus caus. major. & ibi notant Alber. Bald. & communiter DD. text. in leg. Cum quis. §. Si debitorem. ff. de Solutionibus. & ibi Gloss. ordinaria. Bartol. Angel. Paul. post Jacob de Aretin. & Antiquos: textus in leg. Vir uxori, vers. Sed si promissor. ff. de Donat. inter vir & uxor. & ibi Gloss. & Raph. Fulgos. qui reputat hoc esse notabile: possessionem verò statim amitto, si alteri rem trado; licet accipienti non quærat: text. est in leg. 1. §. Si vir uxori. ff. de Acquirend. posses. text. in §. Per procuratorem ejusdem l. textus melior de jure in leg. Quod meo. §. Si furioso, eod. titul. ubi si quis tradat rem furioso, quem sanæ mentis existimabat, animo & voluntate transferendæ possessionis, licet ei non quærat, statim tradens amittit: & ratio differentia est, quia in amissione domini intervenit damnum irreparabile, cum dominus amplius illud consequi non posset, possessionem verò sic: & istam

doctrinam & differentiam per prædicta jura ponit Bart. in l. Si ego in fin. ff. de Negor. gest. & ibi Alber. 3. col. in princ. Paul. de Castr. in fin. num. 7. idem Bart. in leg. Qui hominem. ff. de Solut. in fin. & ibi Paul. de Castr. in princ. Paul. de Castr. in dict. leg. Si quis vi. §. Differentia. ff. de Acquir. poss. in fin. Idem Paul. in dict. leg. 1. §. Si vir uxori, eodem tit. 1. col. n. 3. & ibi Modern. Bart. & communiter DD. in l. Quod meo. §. Si furioso eod. tit.

111 Habemus igitur ex supra dictis, quod in acquirenda possessione semper requiritur actus corporeus verus vel fictus, modò loquamur in titulo particulari, modò universalis: Sed est pulchrum, subtile, & necessarium dubium in materia, an lex vel statutum possit inducere & disponere, quod in aliquo casu transeat & acquiratur possessio ipso jure sine aliquo actu apprehensivo possessionis, prout hodiè in nostro regno disponit nostra lex 45. de Taur. qua cavetur, quod mortuo possessore majoratus, statim transeat possessio omnium bonorum majoratus in successorem sine aliquo actu apprehensivo? Et reperiò, quod Bald. in leg. 1. Cod. Commun. de Legat. in princip. num. 1. expressè tenet, quod non possit lex vel statutum hoc inducere, tali ratione, licet ipse eam sic non declarer: Nam licet reperiamus quòd in aliquibus casibus ex legis dispositione transeat dominium ipso jure sine traditione vel apprehensione; tamen in eisdem casibus non transit possessio nisi apprehendatur: text. est, juncta Gloss. singulari, in leg. Cum duobus, alias si fratres. §. Idem respondit, el 2. ff. Pro socio, text. juncta Glos. & communi sententia, in leg. fin. Cod. de Sacros. Eccles. text. expressus in l. Cum hæredes. ff. de Acquirend. posses. text. notabilis & expressus in leg. In rebus, Cod. de Jur. dot. Sed certè ista ratio in qua se fundat Bald. & jura prædicta nihil faciunt: quia bene probatur in eis, quod in casibus, in quibus ex legis dispositione transit dominium, in iisdem non transit possessio; sed ibi non dicitur, quod lex non possit hoc facere & inducere, si vult. (x)

Secundo reperiò in hoc articulo aliam novam & subtilem opinionem, quam ponit Doctor. de Segur. in Repet. leg. Quemadmodum. ff. de Acquir. posses. 5. col. ubi dicit, quod si lex, vel statutum indistinctè & absolute diceret, quod transferatur possessio sine aliquo actu apprehensionis; tunc hoc non possit facere vel inducere: si verò lex dicat, quod transferatur pos-

(x) De hac possessione plura scripsere Berengat. in §. Nihil commune, cap. 1. numer. 24. Segur. in leg. Quemadmodum, num. 8. ff. de Acquir. posses.